


Bosna i Hercegovina  
Federacija Bosne i Hercegovine  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
SARAJEVO

Broj: 02/1-2- 121 /22  
Datum: 25.03.2022. godine

**KANTON SARAJEVO**  
**SKUPŠTINA KANTONA SARAJEVO**



**PREDMET: Zastupničko pitanje, odgovor, dostavlja se;-**

**VEZA: Akt Skupštine Kantona Sarajevo broj: 01-04-10427-1/22 od 15.03.2022. godine.**

U vezi akta, broj i datum veze, u prilogu akta ispred Uprave policije Ministarstva unutrašnjih poslova Kantona Sarajevo, dostavljamo odgovore u formi sačinjene Informacije, koji se odnose na postavljeno zastupničko pitanje Duraković Jasne, zastupnice Skupštine Kantona Sarajevo, na 49. Radnoj sjednici Skupštine Kantona Sarajevo, održanoj dana 15.03.2022. godine, u okviru tačke dnevnog reda "Poslanička/zastupnička pitanja, inicijative i odgovori".

S poštovanjem,

PRILOG:- Kao u tekstu. -



## INFORMACIJA

Sačinjena u službenim prostorijama Odjeljenja za edukaciju Ureda policijskog komesara, Uprave policije Ministarstva unutrašnjih poslova Kantona Sarajevo, na okolnosti postupanja po aktu Skupštine Kantona Sarajevo broj: 01-04-10427-1/22 od 15.03.2022. godine, te pripremljenih odgovora na postavljeno zastupničko pitanje Duraković Jasne, zastupnice Skupštine Kantona Sarajevo, na 49. Radnoj sjednici Skupštine Kantona Sarajevo, održanoj dana 15.03.2022. godine, u okviru tačke dnevnog reda "Poslanička/zastupnička pitanja, inicijative i odgovori".

Pitanje broj 1.: Koje planske preventivne aktivnosti preduzima Policija KS u vezi sa KD "Nasilje u porodici"?

Odgovor: Uprava policije Ministarstva unutrašnjih poslova Kantona Sarajevo je jedan od potpisnika Protokola o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, broj: 02-144/18 od 01.06.2018. godine, kojim su uređena prava, obaveze i načini postupanja potpisnika Protokola u osiguranju prevencije svih pojava oblika nasilja u porodici, postupanje kod prijave ili saznanja o slučajevima nasilja u porodici, pružanja zaštite žrtvama nasilja u porodici, kao i načini međusobne saradnje potpisnika na unapređenju sistema zaštite od nasilja u porodici, u skladu sa odredbama Krivičnog zakona F BiH ("Sl. novine Federacije BiH", br. 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17), Zakona o zaštiti od nasilja u porodici u Federaciji Bosne i Hercegovine ("Sl. novine F BiH, br. 20/13 i 75/21), Zakona o ravnopravnosti spolova u Bosni i Hercegovini ("Sl. glasnik BiH, br. 102/09 i 32/10), drugih obavezujućih domaćih zakonskih i podzakonskih propisa, međunarodnih konvencija, donesenih strategija i akcionih planova, kojima se uređuje i unapređuje postupanje u slučajevima iz navedene oblasti.

U skladu sa članom 12. navedenog Protokola, policijski službenici nadležnih organizacionih jedinica Uprave policije Ministarstva unutrašnjih poslova Kantona Sarajevo su dužni odmah po saznanju za prijavljeni slučaj nasilja u porodici preduzeti sve mjere i radnje kako bi se na zakonit i profesionalan način blagovremeno i uspješno pružila zaštita žrtvi nasilja u porodici od nasilne osobe, spriječilo dalje činjene nasilja u porodici, pružiti adekvatnu pomoć i podršku osobama koje su žrtve nasilja u porodici, te slučaj prijavljenog nasilja u porodici tretirati sa posebnim senzibilitetom tokom ostvarivanja komunikacije sa žrtvanma nasilja u porodici, preduzeti sve mjere i radnje u primjeni policijskih ovlaštenja kako bi se prijavljeni slučaj nasilja u porodici uz nadzor i postupanje po uputama dežurnog tužioca Kantonalnog tužilaštva Kantona Sarajevo, dokumentovao sa svim prikupljenim izjavama, dokazima i uz Izvještaj o počinjenom krivičnom djelu Nasilje u porodici iz člana 222. KZ F BiH, dostavio u nadležnost Kantonalnog tužilaštva Kantona Sarajevo, protiv osobe za koju postoje osnovi sumnje da je svojim radnjama počinila krivično djelo koje joj se stavlja na teret.

Istovremeno, s ciljem zaštite žrtve nasilja u porodici od nasilne osobe nadležna organizaciona jedinica Uprave policije, kojoj je slučaj prijavljen, sa ciljem zaštite žrtve nasilja u porodici od nasilne osobe, podnosi Prekršajnom sudu Općinskog suda u Sarajevu Zahtjev za izricanje zaštitnih mjera, kako bi Sud, izrekao predložene zaštitne mjere u skladu sa Zakonom o zaštiti od nasilja u porodici u Federaciji Bosne i Hercegovine i provedbenim Pravilnikom o provođenju zaštitnih mjera za počiniocce nasilja u porodici koje su u nadležnosti policije ("Sl. novine Federacije BiH", broj 19/14).

Novim Pravilnikom o unutrašnjoj organizaciji Ministarstva unutrašnjih poslova Kantona Sarajevo, uspostavila se nova organizaciona jedinica unutar Ureda policijskog komesara, Odjeljenje za prevenciju maloljetničkog prijestupništva, nasilja u porodici i rad policije u zajednici, kroz koje će se unaprijediti postupanje policijskih službenika u oblasti prevencije i suzbijanja krivičnih djela Nasilja u porodici iz člana 222. KZ F BiH.

Pitanje broj 2.: Da li u programima RPZ (rad policije u zajednici) postoje aktivnosti koje se odnose na ovo krivično djelo?

Odgovor: U cilju suzbijanja ove negativne pojave, Uprava policije MUP-a Kantona Sarajevo, je kroz rad policajaca u zajednici uključujući i za vrijeme pandemije virusom COVID-19, poduzimala sljedeće aktivnosti:

- Kroz implementaciju programa „Socijalizacija s pravom i prevencija maloljetničke delinkvencije u Federaciji Bosne i Hercegovine“ a koji je realiziran u periodu od 2017. do 2022.godine u organizaciji američke nevladine organizacije „PH International“ i uz podršku Odjela Vlade SAD-a za borbu protiv međunarodne trgovine narkoticima i provođenje zakona – INL, Uprava policije je na osnovu Memoranduma o razumijevanju i saradnji, potpisanog sa nevladinom organizacijom „PH International“, kroz angažman svojih pripadnika u projektu „Rad policije u zajednici“ i u saradnji sa nastavnim osobljem osnovnih i srednjih škola na području Kantona Sarajevo, dala svoj puni doprinos uspješnom provođenju ovih značajnih aktivnosti u oblasti prevencije maloljetničke delinkvencije. U sklopu navedenog projekta, policajci u zajednici zajedno sa nastavnim kadrom, su realizovali edukativne radionice za učenike devetog razreda u 10 osnovnih škola i učenike drugog razreda u 10 srednjih škola u Kantonu Sarajevo. Kroz realizaciju edukativnih radionica za učenike osnovnih škola, na teme „Maloljetnička pravda“, „Institucije i ustanove u zaštiti djece i mladih i njihovih prava“, „Nasilje i zanemarivanje“, te za učenike srednjih škola na teme „Prava i obaveze mladih i institucije zaštite“ i „Prevencija nasilja nad djecom“ policajci u zajednici su se dotakli teme nasilja u porodici te su tom prilikom i obradili nasilje u porodici kao negativnu društvenu pojavu koja se ne toleriše i za koju postoji sistem zaštite.

- Isto tako, „Rad policije u zajednici“, karakterizira veoma intenzivna aktivnost policijskih službenika Uprave policije na provođenju planiranog Programa edukacije učenika osnovnih i srednjih škola na području Kantona Sarajevo. Tako su za učenike Srednje tehničke škole grafičkih tehnologija, dizajna i multimedije, a na njihov zahtjev i prijedlog u nekoliko navrata održane edukativne radionice na različite teme uključujući i temu nasilja u porodici.

- Policajci u zajednici Uprave policije su učestvovali na Okruglom stolu koordinacionog tijela za prevenciju, zaštitu i borbu protiv nasilja u porodici na temu Multisektorska saradnja Kantona Sarajevo – iskustva i izazovi epidemije, u organizaciji NVO Fondacija lokalne demokratije.

- Policijske službenice Uprave policije MUP-a Kantona Sarajevo su učestvovala na radionici „Rodna ravnopravnost u policijskim strukturama u BiH“ organizovanoj od strane Udruženja „Mreža policijskih službenica“.

- Uprava policije MUP-a Kantona Sarajevo je organizovala i održala on-line obuke za policijske službenike na teme „Rodna ravnopravnost“ i „Postupanje u slučaju Seksualnog i spolno zasnovano uznemiravanje kao oblik nasilja u organizacionim jedinicama Uprave policije MUP-a Kantona Sarajevo“.

- Uprava policije je učestvovala u projektu „Borba protiv rodno zasnovanog nasilja u policijskim strukturama u BiH“ sa ciljem podizanja svijesti o prisustvu rodno zasnovanog nasilja kao i o postojećim mehanizmima zaštite od istog te obaveze prijavljivanja i dokumentovanja nasilja tog tipa.

- Policajci u zajednici Uprave policije MUP-a Kantona Sarajevo, kao jednu od redovnih aktivnosti provode i obilazak žrtava nasilja u porodici kao i počinitelaca te provjeru poštivanja izrečenih mjera zabrane prilaska žrtvi nasilja u porodici.

U vezi zastupničkih pitanja Uprava policije Ministarstva unutrašnjih poslova Kantona Sarajevo, će kontinuirano nastaviti sa svojim aktivnostima u cilju prevencije kada je ova vrsta nasilja u pitanju ali isto tako i u cilju zaštite i pomoći žrtvama nasilja u porodici te dokumentovanja ove vrste nedozvoljenog ponašanja i procesuiranja počinioca.

Policijskim službenicima Uprave policije Ministarstva unutrašnjih poslova Kantona Sarajevo i u narednom periodu, u svom radu, kao jedan od prioriteta, će biti borba protiv nasilja u porodici.

Pitanje broj 3.: Kada je posljednji put sprovedena javna kampanja o podizanju svijesti građana o prepoznavanju i prijavljivanju nasilja u porodici?

Odgovor: Uprava policije MUP-a Kantona Sarajevo redovno učestvuje u Globalnoj kampanji obilježavanja Međunarodnog dana borbe protiv nasilja nad ženama (16 dana aktivizma protiv nasilja nad ženama) koja se provela u periodu od 25.11. do 10.12.2021. godine.

Pitanje broj 4.: Da li Policija KS vrši obuku policijskih službenika u vezi s načinom postupanja prema žrtvama nasilja u porodici? (humani pristup)

Odgovor: Policijski komesar Uprave policije Ministarstva unutrašnjih poslova Kantona Sarajevo na početku svake godine, donosi Plan i program stručnog usavršavanja policijskih službenika, kroz koji se planiraju programske aktivnosti kroz interno i eksterno stručno usavršavanje u kojem se planira da Odjeljenje za edukaciju Ureda policijskog komesara kroz donošenje Posebnih planova i programa, organizuje i realizuje specijalističke obuke koje ćemo vam prikazati za period 2020. i 2021. godine kroz tabelarni pregled modula specijalističkih obuka i ukupnom broju policijskih službenika koji su prošli ovakav oblik stručnog usavršavanja. Posebno napominjemo da smo u skladu sa Gender akcionim planom Kantona Sarajevo za period 2019.-2022. godine ("Službene novine Kantona Sarajevo", broj 19/14), preduzeli aktivnosti koje su naložene iz ove oblasti.

Ukupno 180 policijskih službenika je prošlo različite module specijalističkih obuka u sklopu internog ili eksternog programa stručnog usavršavanja na niže navedene teme tokom 2020. i 2021. godine. Radi se o sljedećim temama modula specijalističkih obuka i to:

1. Unapređenje saradnje i razmjena iskustava u predmetima nasilja u porodici , u kojoj su učešće uzeli tužioci, sudije iz oba entiteta, te policijski službenici iz MUP-a RS-a i kantonalnih MUP-ova u F BiH,
2. Saradnja na programu edukacije za pripadnike Uprave policije Ministarstva unutrašnjih poslova Kantona Sarajevo i učešće policijskih službenika iz ciljnih organizacionih jedinica Uprave policije, u aktivnostima programa učenja na daljinu radi sticanja znanja uz korištenje savremenih informaciono - komunikacijskih tehnologija na temu nasilje u porodici i rodno zasnovanog nasilja,
3. Podizanje svijesti o rodno zasnovanom nasilju i seksualnom uznemiravanju na radnom mjestu,
4. Društvena marginalizacija problema nasilja nad ženama u situacijama prisilne izolacije, hitnih okolnosti i restriktivnih mjera,
5. Radni sastanak organizovan od strane Federalnog ministarstva unutrašnjih poslova između predstavnika: Ministarstva unutrašnjih poslova Kantona Sarajevo, Ministarstva unutrašnjih poslova Srednjo-Bosanskog Kantona, Ministarstva unutrašnjih poslova Zeničko-Dobojskog Kantona, Ministarstva unutrašnjih poslova Bosansko-Podrinjskog Kantona i Ministarstva unutrašnjih poslova Hercegovačko-Neretvanskog Kantona, sa predstavnicima Federalnog ministarstva unutrašnjih poslova i predstavnika pravnog subjekta Lucid Linx doo Sarajevo. Jedan od ciljeva sastanka je bio: unapređenje kapaciteta pružaoca usluga za pružanje usluga osobama koje su preživjele nasilje usmjereno prema ženama i djevojčicama u skladu s odredbama Istanbulske konvencije, utvrđivanje mogućnosti unaprijeđenja interne strukture kantonalnih ministarstava unutrašnjih poslova u Federaciji BiH kod postupanja u slučajevima nasilja u porodici, definisanje mogućnosti struktuiranog pristupa obrazovanja policijskih službenika na temu nasilje u porodici, definisanje sadržaja obuka i obrazovnih rezultata za policijske službenike koji rade na predmetima nasilja u porodici,
6. Edukativni radni sastanak u vezi s iznošenjem primjedbi, prijedloga i sugestija na prijedlog rješenja o unutrašnjoj organizaciji MUP-a Kantona Sarajevo kod postupanja u predmetima nasilja u porodici,
7. Prva radionica na temu "Postupanje policijskih službenika po prijavama nasilja u porodici i provođenje zaštitnih mjera",
8. Druga radionica "Postupanje policijskih službenika u otkrivanju i gonjenju počinitelaca krivičnih djela nasilja u porodici",



9. Okrugli sto u okviru djelovanja Koordinacionog tijela za prevenciju, zaštitu i borbu protiv nasilja u porodici u Kantonu Sarajevo,
10. Edukacija policijskih službenika koji rade sa žrtvama nasilja u porodici radi poboljšanja kvaliteta usluga i podizanja nivoa zaštite nasilja u porodici na području Kantona Sarajevo,
11. Okrugli sto na temu "Multisektorska saradnja u Kantonu Sarajevo - iskustva i izazovi epidemije" - Koordinaciono tijelo za prevenciju, zaštitu i borbu protiv nasilja u porodici u Kantonu Sarajevo",
12. Diskusija pod nazivom "Nasilje u porodici u Bosni i Hercegovini u doba pandemije korona virusa" kao i prezentacija publikacije "Nasilje u porodici u doba pandemije na koju se pozivaju do dva predstavnika koji su direktno uključeni u rad u oblasti nasilja u porodici,
13. "Jačanje odgovora na nasilje u porodici tijekom i neposredno nakon COVID-19 krize u Bosni i Hercegovini", kojeg podržava ambasada Velike Britanije, organizovana je multisektorska radionica na Zoom platformi, na kojoj su učešće uzeli stručnjaci i stručnjakinje iz različitih institucija, odnosno predstavnici policije, pravosuđa, centara za socijalni rad, sigurnih kuća, koji rade na predmetima nasilja u porodici. Cilj radionice je bio razmjena iskustava, te identificiranje mogućih načina prevazilaženja izazova u postupanju u predmetima nasilja u porodici tokom COVID-19 krize.
14. Prezentacija dosadašnjih rezultata projekta UN WOMEN "Pružanje tehničke podrške F MUP-u u osiguranju kvalitetnog i standardiziranog odgovora na slučajeve nasilja u porodici i nasilja nad ženama u F BiH: -Prijedlog okvirnog rješenja o unutrašnjoj organizaciji kantonalnih ministarstava unutrašnjih poslova kod postupanja u predmetima nasilja u porodici, -Moduli za obuku policijskih službenika o postupanju u slučajevima nasilja u porodici, -Preporuka za unapređenje nastavnog plana i programa za policijske kadete u oblasti suzbijanja nasilja u porodici i nasilja nad ženama u skladu sa međunarodnim standardima,
15. Poziv Federalnog ministarstva unutrašnjih poslova za učešće rukovodioca organizacionih jedinica koje postupaju po predmetima nasilja u porodici i nasilja nad ženama Uprave policije u prezentaciji dosadašnjih rezultata projekta UN WOMEN "Pružanje tehničke podrške Federalnom ministarstvu unutrašnjih poslova u osiguranju kvalitetnog i standardiziranog odgovora na slučajeve nasilja u porodici i nasilja nad ženama u Federaciji Bosne i Hercegovine" i konsultacijama o daljim koracima,
16. Predstavljanje početka rada i djelovanja Udruženja žrtava nasilja Hajr za BiH, koje je udruženje žrtava nasilja, s naglaskom na nasilje u porodici, kojem je cilj pomoći aktivnim angažmanom i radom sa žrtvama nasilja u porodici koje su imali takvo iskustvo,
17. Odjeljenje za edukaciju Ureda policijskog komesara, Uprave policije Ministarstva unutrašnjih poslova Kantona Sarajevo, realizovalo je internu specijalističku obuku na temu "Istraživanje krivičnih djela počinjenih iz mržnje, prevencija i suzbijanje slučajeva nasilja u porodici i zaštita od nasilja u porodici", u skladu sa naloženim aktivnostima po Gender akcionim planom Kantona Sarajevo za period od 2019. do 2022. godine ("Službene novine Kantona Sarajevo", broj 52/19). Uprava policije Ministarstva unutrašnjih poslova Kantona Sarajevo je kao predavače osigurala predstavnike subjekata izvan Uprave policije: tužioca Kantonalnog tužilaštva Kantona Sarajevo, redovnu profesoricu na naučnoj oblasti „Kriminalistika” Fakulteta za kriminalistiku, kriminologiju i sigurnosne studije Univerziteta u Sarajevu i pravnog savjetnika u Fondaciji lokalne demokratije, koji su održali predavanje prvog dana obuke za I grupu nominovanih učesnika iz organizacionih jedinica Uprave policije. Pored naprijed navedenih predavača, drugog dana obuke za I grupu nominovanih učesnika iz organizacionih jedinica Uprave policije, predavanje su održali: - inspektor za edukaciju u Odjeljenju za edukaciju Ureda policijskog komesara i istražitelj u Odjeljenju kriminalističke policije Novi Grad Četvrtke policijske uprave,
18. Implementacija aktivnosti iz oblasti sprečavanja i odgovora na rodno zasnovano nasilje nad ženama i djevojčicama, Webinar za policijske službenike u Bosni i Hercegovini o sprječavanju i odgovaranju na rodno zasnovano nasilje nad ženama,
19. Sastanak sa predstavnicima F MUP-a u vezi konkretnih dogovora oko predstavljanja Izvještaja za Evaluaciju provedbe Istanbulske konvencije u Bosni i Hercegovini od strane Grupe eksperata Vijeća Europe za borbu i sprečavanje nasilja nad ženama i nasilja u porodici (GREVIO),
20. Konferencija pod nazivom „Razmjena iskustava o programima za prevenciju i zaštitu protiv rodno zasnovanog nasilja Barcelone i Sarajeva“, a koje je finansiralo Gradsko vijeće grada

Barcelone, te u sklopu saradnje i bratimljenja koje je uspostavljeno i održava se sa Gradom i Kantonom Sarajevo,

21. Webinar o koordinisanom, odgovoru krivičnog pravosuđa na rodno zasnovano nasilje nad ženama za praktičare krivičnog pravosuđa u Bosni i Hercegovini, u organizaciji United Nations Office on Drugs and Crime,
22. Javna rasprava radi pripreme nove sedmogodišnje Strategije za prevenciju i borbu protiv nasilja u porodici 2021-2027. Donošenje Strategije za prevenciju i borbu protiv nasilja u porodici predviđeno je članom 36. Zakona o zaštiti od nasilja u porodici i članom 17. Zakona o razvojnom planiranju i upravljanju razvojem u Federaciji Bosne i Hercegovine.

Tokom 2022. godine planirane su programske aktivnosti kroz programe internog i eksternog stručnog usavršavanja policijskih službenika Planom i programom stručnog usavršavanja policijskih službenika, Uprave policije Ministarstva unutrašnjih poslova Kantona Sarajevo za 2022. godinu, a koje će planirati Odjeljenje za edukaciju, zajedno sa Sektorom kriminalističke policije, kroz posebne Planove i programe specijalističke obuke i to:

- Na osnovu Akcionog plana za primjenu rezolucije Vijeća sigurnosti Ujedinjenih naroda 1325 “Žene, mir i sigurnost” u Bosni i Hercegovini za period od 2018. do 2022. godine, Uprava policije Ministarstva unutrašnjih poslova Kantona Sarajevo, planira izvoditi obuku na temu “Rodna ravnopravnost u Upravi policije”,
- Na osnovu Protokola o postupanju u slučaju seksualnog i spolno zasnovanog uznemiravanja, kao oblika nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo („Službene novine Kantona Sarajevo”, broj 18/21), planira izvoditi obuku na temu “Postupanje u slučaju seksualnog i spolno zasnovanog uznemiravanja, kao oblika nasilja u organizacionim jedinicama Uprave policije”,
- U skladu s planiranim aktivnostima iz Gender akcionog plana Kantona Sarajevo (2019. – 2022.), kao i Pravilnika o načinu provođenja zaštitnih mjera za počiniocce nasilja u porodici koje su u nadležnosti policije (“Službene novine Federacije BiH”, broj 19/14), planira izvoditi obuku na temu „Krivična djela počinjena iz mržnje, borbe protiv nasilja u porodici, kao i rodno zasnovanog nasilja.

Pitanje broj 5.: Da li u slučajevima kada su uključena djeca, da li kao žrtve ili kao svjedoci nasilja u porodici, policija ima obučene policijske službenike za rad i postupanje s djecom u takvim okolnostima, koliko policajaca je prošlo te obuke i koje obuke su u pitanju?

Odgovor: Policijski službenici nadležnih organizacionih jedinica Uprave policije, u slučajevima prijavljenog nasilja u porodici su dužni da dosljedno primjenjuju odredbe Zakona o krivičnom postupku Federacije BiH i Zakona o zaštiti i postupanju sa djecom i maloljetnicima u krivičnom postupku, koje se odnose na djecu i maloljetnike u krivičnom postupku. Da bi mogli primjenjivati policijska ovlaštenja prema djeci i maloljetnicima, policijski službenici su morali proći specijalističku obuku koja se organizuje od strane Federalnog ministarstva pravde i UNICEF-a, tokom koje su ovladali posebnim znanjima u radu sa djecom i maloljetnicima i za iste dobili licencu za rad sa djecom i maloljetnicima. Kroz takve obuke je prošlo 147 policijskih službenika.

Uprava policije Ministarstva unutrašnjih poslova Kantona Sarajevo je u 2021. godini od strane Federalnog ministarstva pravde, zatražila organizaciju specijalističke obuke za dodatnih 150 policijskih službenika tokom koje bi ovladali posebnim znanjima u radu sa djecom i maloljetnicima i za iste dobili licencu za rad sa djecom i maloljetnicima, ali istu nisu bili u mogućnosti organizovati iz nama nepoznatih razloga.

Pitanje broj 6.: Kakva je saradnja Policije KS sa nevladinim organizacijama i centrima za socijalni rad u ovim slučajevima, te da li provode zajednički preventivne aktivnosti? Koje?

Odgovor: Potpisnici Protokola o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, broj: 02-144/18 od 01.06.2018. godine, kojim su naložene mjere i radnje svih potpisnika Protokola su i nevladine organizacije poput Fondacije lokalne demokratije, pod

čijom ingerencijom je i Sigurna kuća, koja pruža zaštitu, privremeni boravak, pružanje psihološke pomoći, edukativnih radionica sa ciljem osposobljavanja žrtava nasilja u porodici za samostalni rad i egzistenciju, kao i JU "Centar za socijalni rad" Kantona Sarajevo, sa kojom neposredno dokumentujemo prijavljene slučajeve nasilja u porodici. Saradnja je na vrlo profesionalnom nivou i možemo konstatovati da se ista uvijek može unaprijediti, te je zbog toga održan i radni sastanak u 2021. godini predstavnika Uprave policije i JU "Centar za socijalni rad" Kantona Sarajevo.

Pitanje broj 7.: Da li su (bile) preduzete bilo kakve pojačane mjere u vezi s nasiljem u porodici za vrijeme lockdowna i pandemije općenito, kako je to bio slučaj sa policijskim agencijama u okruženju (npr. Hrvatska imala kampanju za pomoć žrtvama nasilja u porodici koje su zatvorene s nasilnicima tokom lockdowna)?

Odgovor: Uprava policije MUP-a Kantona Sarajevo redovno učestvuje u Globalnoj kampanji obilježavanja Međunarodnog dana borbe protiv nasilja nad ženama (16 dana aktivizma protiv nasilja nad ženama) koja se za 2021. godinu provela u periodu od 25.11. do 10.12.2021. godine.

Sarajevo, dana 25.03.2022. godine